

Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. November 2010-meersup § 3, imm. 2 naapertorlugu kingusinnerpaamik 2017-imi, Naalakkersuisut tarnip pissusaanik ilisimasallit peqqinnissaqarfiup iluani, pisortat oqartussaasuini allani namminersortunilu ilinniakkaminnut tunngasutigut sulinerat pillugu malittarisassanik erseqqinnerusunik aalajangersaanissaat.

(Inatsisartunut ilaasortamit Steen Lyngge, Atassut, saqqummiunneqartoq)

pillugu

Ilaqutariinnermut Peqqissutsimullu Ataatsimiititaliap siunnersuutip aappassaaneernejarnanur

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Tillie Martinussen, Demokraatit, siulittaasoq

Inatsisartunut ilaasortaq Agathe Fontain, Inuit Ataqtigiit, siulittaasup tullia

Inatsisartunut ilaasortaq Jess Svane, Siumut

Inatsisartunut ilaasortaq Laura Tàunâjik, Siumut

Inatsisartunut ilaasortaq Ineqi Kielsen, Siumut

Inatsisartunut ilaasortaq Ane Hansen, Inuit Ataqtigiit

Inatsisartunut ilaasortaq Mimi Karlsen, Inuit Ataqtigiit

UPA 2016-imi ulloq 20. april 2016 siullermeerinerup kingorna siunnersuut ataatsimiititaliamit erseqqinnerusumik misissorneqarpoq.

Siunnersuutip imarisaa siunertaalu

Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq naapertorlugu kingusinnerpaamik 2017-imi Naalakkersuisut tarnip pissusaanik ilisimasallit peqqinnissaqarfiup iluani, pisortat oqartussaasuini allani namminersortunilu ilinniakkaminnut tunngasutigut sulinerat pillugu malittarisassanik erseqqinnerusunik aalajangersaanissamut Naalakkersuisut peqquneqarnissaasa Inatsisartunit taparserneqarnissaa siunertaralugu siunnersuuteqartup aalajangiiffigisassaattut siunnersuut pineqartoq saqqummiuppaa.

Napparsimasut illersorneqarnissaat tarnillu pissusaanik ilisimasallit eqqarsaatigalugu suliassa qarfiup sukumiinerusumik malittarisassiuunneqarnissaa piffissanngortoq siunnersuuteqartoq isumaqarpoq.

Siunnersuutip Inatsisartuni siullermeerneqarnera

Tarnip pissusaanik ilisimasallit pillugit maleruagassaqaalernissaa qulakkeerniarlugu sulineq siusinnerusukkulli 2009-2010-imili aallartinneqarsimagaluartoq siunnersuummut akissuteqaatiminni Naalakkersuisut oqaatigaat, suliassa qarfimmili naammagittaalliorsinnaanermut periarfissat inaarutaasumik aaqinneqarnissaasa saniatigut, oqartussat sorliit malittarisassanik nakkutiginninnissaannik apeqqut unittoorutaasimalluni. Maleruagassiornissalli kingusinnerpamik 2017-imi ingerlanneqarnissaa Naalakkersuisut piareersimaffigaat, taamaattumillu siunnersuutip akuerineqarnissaa inassuteqaatigisinnaallugu.

Siunnersuutip siullermeerneqarnerani Siumut, Inuit Ataqatigiit, Demokraatit, Atassut, Partii Naleraq attaviitsorlu Naaja H. Nathanielsen oqaaseqaateqarput. Siunnersuummik siullermeerinermi suliassa qarfiup maleruagassiuunneqarnissaata pisariaqartinneqarnera politikikkut tapersorsorluarneqarpoq.

Tamanna tunngavigalugu siunnersuut Ilaqutariinnermut Peqqissutsimullu Ataatsimiititaliami sukumiinerusumik suliarineqartussanngorlugu innersuunneqarpoq.

Ataatsimiititaliap siunnersuummik suliarinninnera

Peqqinnissa qarfiup aqunneqarnera, aaqissuussaanaera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersumi §§ 3-4 naapertorlugit suliassa qarfimmi tarnip pissusaanik ilisimasallit sukumiinerusumik maleruagassiuunneqarnissaannut Naalakkersuisut piginnaatinneqareermata ataatsimiititaliap erseqqissaatigissavaa:

§ 3. Naalakkersuisut peqqinnissamut tunngasutigut sullissisut peqqinnissa qarfiup iluani, pisortat oqartussaasuini allani namminersortunilu peqqinnissamut tunngasutigut sulinerat pillugu malittarisassanik erseqqinnerusunik aalajangersaasinnaapput.

Imm. 2. Naalakkersuisut tarnip pissusaanik ilisimasallit peqqinnissa qarfiup iluani, pisortat oqartussaasuini allani namminersortunilu ilinniakkaminnut tunngasutigut sulinerat pillugu malittarisassanik erseqqinnerusunik aalajangersaasinnaapput.

§ 4. § 3-mi, imm. 1-imi aamma imm. 2-mi malittarisassat aalajangersakkanik imaattunik imaqarsinnaapput:

- 1) Atorfiup illersugaanera.
- 2) § 3-mi, imm. 1-imi aamma imm. 2-mi inuit taaneqartut pisussaaffii.
- 3) Katsorsartittut pisinnaatitaaffii.

- 4) Nakkutilliineq.
- 5) Pineqaatissiinissamut aalajangersakkat, tak. § 12.
- 6) Pissutsit allat § 3-mi, imm. 1-mi aamma imm. 2-mi inunnut taaneqartunut sulianillu isumaginninnermut pingaaruteqartut.

Suliassa qarfirmi tarnip pissusaanik ilisimasallit kingusinnerpaamik 2017-imi sukumiinerusumik maleruagassiuunneqarnissaannik siunnersuuteqartup kissaataa aammalu Naalackersuisut piginnaatitsissummik pioreersumik pisariaqartumillu ersarissuseqartumik atuinissaat ataatsimiititaliamit erseqqissumik taparserneqarput.

Suliassa qarfirmi nakkutilliineq naammagittaalliuuteqarsinnaanerlu pillugit pissutsinut naleqqussakkamik aammalu atuussinnaassuseqarlunilu suliatigut apeqquserneqarsinnaanngitsumik Naalackersuisut aaqqissuussisinnaanerat ataatsimiititaliamit tatigineqarpoq. Suliassa qarfinni allani maannamut taamaaliortoqarsinnaasimavoq, tamannalu aamma tarnip pissusaanik ilisimasallit eqqarsaatigalugit ajornartussaannngitsutut isumaqarfigineqarpoq.

Tarnip pissusaanik ilisimasalinnut tunngasut sukumiinerusumik malittarisassiuunneqarnissaat pillugu ukiut arfinillit sinnerlugit naalackersuinikkut kissaateqartoqarsimaneera innersuussutigalugu suliap tulleriiaarinermi salliutinneqarnissaa ataatsimiititaliamit kissaatigineqarpoq.

Siunnersuutip aningaasaqarnikkut kingunerisassai

Inatsisartut suleriaasiani § 33, imm. 1-mi allasimavoq, aalajangiiffigisassatut siunnersuutip piviusunngortinneqarnissaanut aningaasaqarnikkut aamma allaffissorinikkut kingunerisassat siunnersuummut tunngavilersuummi allaaserineqassasut.

Tamanna naapertorlugu siunnersuutip piviusunngortinneqarneratigut aningaasatigut kingunerisassat siunnersuummi nalunaarneqartut ataatsimiititaliamit maluginiarneqarpoq, taamaalillunilu sukumiinerusumik maleruagassiornissamut nukissanik annertunerusunik immikkoortitsisoqassalluni. Tassungali aningaasartuutit AC-mut ukiumut aningaasartuutit sisamararterutaannit annertunerunissaat naatsorsuutigineqanngilaq, tassa 125.000 kr.-nik atuisoqassanganneqarluni. Ataasiaannartumik taamatut aningaasartuuteqarnerup kingorna nakkutilliinnermut naammagittaalliuutillu sularinerinut allaffissornermut sulisunik aningaasanillu atuisoqarnissaa naatsorsuutigineqartariaqarmat ataatsimiititaliamit ilassutitut oqaatigineqassaaq. Aningaasartuutit taakku peqqinnissaqarfirmut aningaasaliissutit iluanni ingerlaneqassapput.

Ataatsimiititaliap inassuteqaataa

Allassimasutut oqaaseqaateqarluni ataatsimiititaliap isumaqatigiittup siunnersuut taama iluseqartillugu akuerineqassasoq inassutigaa.

Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappasaaniigassanngortippaa.

Tillie Martinussen
Siulittaasoq

Agathe Fontain

Jess Svane

Laura Tàunâjik

Ineqi Kielsen

Ane Hansen

Mimi Karlsen